

元始无量度人上品妙經卷之三十四

騰曜二景五星品

道言昔於上極天中霄霞洞歌大光明土受元始度人騰曜二景五星上品元始天尊當說是經周迴十過以召十方始當詣座天真大神上聖高尊妙行真人無鞅數眾乘空而來紫煙霏霏玉飄華車靈雲蔭蓋朗映晨輝九色靉燦洞煥十方七日七夜諸天妙氣結化成形並爲珍寶八風惠暢四海和甯時無乖沴庶物自然一國地土山川林木緬平一等無復高下土皆作月璧日珠靈華五色眾真侍座元始天尊玄坐空浮洞化龍仙曲農萬象玄牀說經一遍諸天大聖同時稱善是時一國君臣

道藏輯要

度人妙經

本

角集七  
x81

修崇道德感格神真說經二遍二景齊明說經三遍三才交暢說經四遍四時順序玉燭調和說經五遍五星循軌歷劫不愆說經六遍六氣周流運化協功說經七遍七元停健光景延長說經八遍八方列宿刻注不干說經九遍九宮主宰捍厄除災說經十遍十神安位永致福祥是時一國是男是女莫不傾心皆受護度咸得長生

道言是時元始天尊說經一遍東方無極無量品天晶騰曜至真大神無鞅之眾浮空而至說經二遍南方無極無量品天晶騰曜至真大神無鞅之眾浮空而至說經三遍西方無極無量品天晶騰曜至真大神無鞅之眾浮空而至說經四遍北方無

極無量品天晶騰曜至真大神無鞅之眾淨空而至說經五遍  
東北無極無量品天晶騰曜至真大神無鞅之眾淨空而至說  
經六遍東南無極無量品天晶騰曜至真大神無鞅之眾淨空  
而至說經七遍西南無極無量品天晶騰曜至真大神無鞅之  
眾淨空而至說經八遍西北無極無量品天晶騰曜至真大神  
無鞅之眾淨空而至說經九遍上方無極無量品統辰御象至  
真大神無鞅之眾淨空而至說經十遍下方無極無量品承光  
合景至真大神無鞅之眾淨空而至十遍周竟十方無極天晶  
騰曜日月星宿天真大神一時同至一國男女傾心歸仰來者  
有如細雨密霧無鞅之眾進國一半土皆偏陷非可禁止於是

道藏輯要

度人妙經

卷

角集七

又又又

元始俯容笑嗙億眾傾瞻於是旋命紫微玉妃啟御神寶鑪擁  
夜山火玉藝徊妙靈香煙結空中如寶如雲現一瓊室縹緲之  
間去地十丈元始登引天真大神上聖高尊妙行真人十方無  
極至真大神無鞅數眾俱入瓊室之中天人仰看惟見拂拂從  
煙景中入既入瓊室不知所在國人廓散地還平正無復欹陷  
元始卽於瓊室之內說經都竟眾真監度以授於我當此之時  
喜慶難言法事粗悉諸天復位倏欻之間寂無遺響是時天人  
遇值經法皆獲開悟得保永年無有中傷傾土受度與道齊真  
不災不害不夭不殘不虧不敗不愆不禍不衰不死顏如玉瑩  
體映金姿內外無疵微妙合玄下保家邦安泰昌隆經始出教

一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是二景五星騰曜星君高真隱韻之音亦是璘儀三素之隱名也非世之常辭上聖已成真人通玄究微能悉其章誦之十過諸天遙唱萬帝設禮日月垂芒星辰映華寶炁流精妙灌三宮百神飲玉千真嘖芳羣魔束形鬼精滅爽迴屍起死白骨成人至學之士誦之十過則日君鑒德月妃受靈超脫世難以得長生所以爾者學士方達妙詮未鍊至真勤苦修行道漸升玄自可祛蕩災疾感格妙氣但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明

道藏輯要

度人妙經

卷

角集七

護門斯經尊妙獨步玉京度人無量爲萬道之宗巍巍大範德難可勝

道言凡誦是經十過諸天齊到七曜之真保度善人一身受度七祖昇遷享福天堂常處逍遙上學之士修誦是經與道契德與天齊真世人受誦散禍延年後獲成功過其經訣得作解化之道以度於世此經微妙普度無窮一切天人莫不受慶無量之福生死蒙惠上天所寶不傳下世至士齋金寶效心盟天而傳輕泄漏慢殃及九祖長役地官侍經五帝玉童玉女各二十四人營衛神文保護受經者身

道言正月長齋誦詠是經招致日魂保生鍊屍注景成真爲上

世亡魂斷地逮役度上南宮七月長齋誦詠是經招引月魄保  
生鍊屍降景成真身得神仙諸天書名黃籙白簡削死上生十  
月長齋誦詠是經招隱五星精魂保生鍊尸合景成真騰耀玉  
華普賴生成爲國主君臣父子安鎮國祚保天長存世世  
不絕常爲人君安鎮其方民稱太平八節之日誦詠是經神氣  
纏綿運化形軀克就玄業得爲九宮真人本命之日誦詠是經  
甯固命府塞遏死津魂魄受鍊道體日新超出苦惱身有光明  
三界侍衛五帝司迎萬神朝禮名書上天功滿德就飛昇上清  
道言行道之日皆當香湯沐浴齋戒入室東向叩齒三十二  
通上聞三十二天心拜三十二過閉目靜思身坐五色雲氣

道藏輯要

度人妙經

卷

角集七

XO I

之中內外蒼冥有青龍白虎朱雀玄武獅子白鶴羅列左右  
五星眞氣纏綿兆身日月照明騰曜室內頂生圓象光映十  
方如此分明密咒曰

無上玄元太上道君召出臣身中三五功曹左右官使者侍香  
玉童傳言玉女五帝直符直日香官各三十六人關啓所言今  
日吉慶長齋清堂修行至經無量度人願所啟上徹徑御  
無上三十二天元始上帝至尊几前畢

引卷三十二過東向誦經

元始無量度人上品妙經

元始洞玄靈寶本章騰耀二景五星上品妙首十迴度人七晨  
隱韻造化自然高上元精天皇至真元始結化煥落天經陰陽  
推別分布五行自其本元凝積神精列象穹玄日月輪耀五星  
交躔各有宮府明皇道君王妃夫人司領治化禍福生成騰耀  
經緯晝夜無停綱維次舍宿度之間隨其氣數以立權衡品物  
受命庶位眾靈凡隸臨照莫不稟承衰旺隱顯進退虧盈辯其  
主張亦有其方上攝中極紫微天皇高上玉真曲素雲房金闕  
靈都森羅會宗太妙之極無所不周中有宰御天地之神中有  
大帝金母扶桑閻風二闕之官中有乾元萬炁之君中有五靈

道藏輯要

度人妙經

卷

角集七

真老元都丈人中有南上司命司錄延壽益算度厄尊神回骸  
起死無量度人今日校錄諸天臨軒

東方無極飛光騰耀神王長生大聖無量度人

南方無極飛光騰耀神王長生大聖無量度人

西方無極飛光騰耀神王長生大聖無量度人

北方無極飛光騰耀神王長生大聖無量度人

東北無極飛光騰耀神王長生大聖無量度人

東南無極飛光騰耀神王長生大聖無量度人

西南無極飛光騰耀神王長生大聖無量度人

西北無極飛光騰耀神王長生大聖無量度人

上方無極飛光騰耀神王長生大聖無量度人  
下方無極飛光騰耀神王長生大聖無量度人  
十方至真飛光騰耀神王長生度世無量大神並乘華龍彩鳳  
金根陽燧之車五色瓊瑤之輦迴光紫蓋景耀靈旛前嘯空歌  
齊詠後吹靈響同鳴獅子白鶴嘯歌嚨嚨靈童散花玉女擁軒  
億乘萬騎浮空而來傾光迴駕監真度生諸天丞相南昌上宮  
韓司主錄監生大神執綱乘紀齊到帝前隨所應度嚴校諸天  
二景五星真光激旋採咽奔引注功太玄上爲高真福施無邊  
普告三界無極神鄉泉曲之府北都羅豐三官九府十二河源  
上解祖考億劫種親疾除罪簿落滅惡根不得拘留逼合鬼羣  
道藏輯要

度人妙經

卷

角集七

元始符命時刻升遷北都寒池部衛形魂制魔保舉度品南宮  
死魂受鍊仙化成人生身受度劫劫長存隨劫輪轉與天齊年  
永度三塗五苦八難超凌三界逍遙上清上清之天天帝洞明  
無色之境梵行

東方八天

極華耀真天

帝咸伸戈

玉明純意天

帝述正微

無量耀景天

帝邈自頻機

朱經離雲天

帝穹修度迴

真英鎖龍天

帝召都康師

燕常凌虛天

帝翹里治因

九芒淵靈天

帝覺由洞閑

仙臺乘光天

帝冲遙客孚

南方八天

紫玄凝光暉逸天

帝敏江約樊

變霞隱金明幾天

帝辯祺廣仙

蓋空梵氣天

帝紉德盧綦

陽神扶靈天

帝古谷允嘉

丹炎洞陽天

帝太隆阿生

奇都益元天

帝波遲騰崇

道藏輯要

度人妙經

奕

角集七

景空回雲天

帝荷明思觀

寶魂隱章天

帝道陣勤和

西方八天

晨浩冥元天

帝澤宣濟元

清瑤進希天

帝運英標華

金羽芝帶天

帝彌維員承

煥極太真天

帝鼎跡瑤光

綠光度玄天

帝尚吠伯詢

初皇含暉天

帝長定宜文

道諱對精天

帝顓越慈信

一混露液天

帝博還陽恭

北方八天

螭房利神天

帝攝萬精

寥幽宗光天

帝玄祖斬清

龍隨梵道天

帝沖融定方

元一生靈濟化天

帝基昌化時

垂熒灌炁易本天

帝益趙進涓

墉微建霞可智天

帝浩搖微光

熾文成流天

帝沙逾變周

法有足思天

帝紂杳鳴潛

道藏輯要

度人妙經

卷

角集七

三十二天三十二帝諸天隱諱諸天隱名天中空洞自然靈章

七晶隱韻御景之音天地之尊靈寶之神飛晨三素鬱儀結璘

九色十華變化上清無量之奧深不可詳招神飲光普度天人

今日欣慶受度歷關諸天日魂月魄五星道君請注暉芒流霞

絳津灌兆百骸凝固泥丸高奔帝宮入燕瓊臺乘駕寶車上造

日門月妃贈珠藥池浴身木星鎮肝金星保肺辰星固腎熒惑

定心中央土皇厥號鎮星榮養脾元總衛一形青霞護魂白霞

侍魄赤霞養炁黑霞通血黃霞主命萬神無越五色流霞煥爛

華鮮自天來下入兆九宮三田盤回八景蔚融青華帝君天雉

落澤赤華帝君皓雲充極白華帝君阿婁款幽黑華帝君碧瀾



眞侯黃華帝君寶扇承休五華帝君日月之神隨兆吸引降光  
運精神光照目玄珠意輪七辰帝尊萬神之宗飛行鼓從總領  
合明九億萬兵麾幢鼓節遊眇天津散靈育生共成玄功上天  
度人此道爲宗日月之使二景皇君五星上王迴霞綠英威南  
受命普掃不祥先斬陰孽下布威光金晶吐毒玉馬魁張天丁  
前驅大帥仗旛擲火萬里流鈴八衝敢有干試拒遏上眞金鉞  
前戮巨戈後刑屠割鬼爽風火無停千千截首萬萬剪形魔無  
干犯鬼無祆精三官北酆明檢鬼營不得容隱金馬驛呈普告  
無窮萬神咸聽三界五帝列言上清

二景元精五星威神與道同德天地俱生騰耀未判混沌之中

道藏輯要

度人妙經

卷

角集七  
X三X

上無復色下無復淵神風淪激火液凝光日月合璧五星連珠  
共處玄胎以養天軀天上天下無幽無冥無形無影無極無窮  
赤明開圖運度自然元始安鎮七耀列玄二景飛騰五星運天  
水火分任萬物所尊兆引其精克爲眞人白華凝液神氣同符  
傳降天樓二十四關木榮土化金烹火鎔氣矢交射走虎蟠龍  
赤紋成脈布絡三元玉眞明堂敷落五篇赤書玉字八威龍文  
保制命會使身長存梵炁彌羅萬範開張元綱流演三十二天  
輪轉無色周回十方旋斗厯箕回度五常三十五分總氣上元  
八景冥合氣入玄玄玄中太皇上帝高眞汎景太霞嘯詠洞章  
冠帶日月衣服星辰垂芒騰耀朗徹高清真明郁流耀雲營

玉音攝炁靈風聚烟紫虛鬱秀輔翼萬仙二景五星通光入身  
千和萬合自然成真真中有神長生大君無英公子白元尊神  
太一司命桃康合延執符把籙保命生根上遊上清出入華房  
八冥之內細微之中卜鎮人身泥丸絳宮中理五氣混合百神  
十轉迴靈萬炁齊仙仙道貴生無量度人上開八門飛天法輪  
日月運行寒暑經緯五星主令導和生身身得受生上聞諸天  
諸天之上各有生門中有空洞謠歌之章真王靈篇辭參高真

第一騰曜飛空之音

水火相函

氣號混芒

柔於裏囊

圓包不開

浮沈太空

天地神胎

道藏輯要

度人妙經

堯

角集七

真炁如煙

左周右旋

至精為星

日玄月青

熠耀生華

煥顯難名

天老剖象

玉醜神嬰

日月自飛

五星內明

冥冥交養

騰耀而升

景騰星耀

色象齊并

萬物啟圖

赤書玉文

動植滋繁

皆有天經

中虛以節

外莖以紋

虛則達氣

紋以運精

神為生主

動植炁均

萬化淘澤

騰耀是因

太空杳杳

玄漠深淪

日月既照

屈者能伸

眞王飛空

交映寶輪

洞鑿十方

垂光度人

行斯祕道

神上賓

第二二景飛霞之章

玉海無際

碧煙徘徊

扶多萬里

青闕崔嵬

中有寶臺

內隱樞機

左日右月

前罡後魁

玉女持鑰

神宮啟扉

晝日夜月

翕受敷施

舉標斡輪

萬象分馳

日月二門

激電飛雷

騰騰寶光

命駕九龍

絳霞紫雲

映天瞳矐

朱芒張絃

道藏輯要

度人妙經

丰

角集七  
小四六

金繩下連

兆執二章

引景八圓

日童玄炎

月妃華姬

吐光揚暉

散注流分

保兆生命

變化神仙

雙景並耀

深入含蓮

紫金爲容

受書帝軒

第三五星鍊眞歌曰

東方九氣

歲星九門

玉樓萬重

寶駕飛輪

中有帝皇

青衣絳裙

南方三炁

熒星三門

瓊臺八觚

辟飛流煙

中有帝皇

錦衣寶冠

西方七炁

岡星七門

靄靄金闕

玉光散分

中有帝皇

素衣虎裙

北方五炁

辰星五門

龍宮高淨

紫雲擁軒

中有帝皇

玄衣飛裙

中央十炁

鎮星十門

黃池帝臺

五斗攝精

中有帝皇

黃衣錦裙

彼五帝皇

總御萬靈

泛泛天光

來入兆身

鍊真易骨

刻兆仙名

乘飛龍兮遊九宮宴妙庭兮舞千童交虎旗兮傾羽蓋震鐘

鼓兮動天籟五皇歡樂兮福祐帝宮永陽春兮億壽無窮引

道藏輯要

度人妙經

三

角集七

靈光兮神炁熏融登上清兮超凌碧空

此三界之上飛空之中真王歌音音參洞章誦之百遍名度南

宮誦之千遍真仙下迎萬遍道備飛升太空過度三界位登仙

公有聞靈音真王降形敕制地祇侍衛送迎拔出地戶五苦八

難七祖升遷永離幽官魂度朱陵受鍊更生是謂無量普度無

窮有祕上天文諸天共所崇泄慢墮地獄禍及七祖翁

道言此二章並是諸天上帝及神霄真王摺暉奔景騰耀日月

五星上道隱祕之音皆是大梵之言非世上常辭言無韻麗曲

無華宛故謂玄奧難可尋詳上天所寶祕於神霄玉清玉府東

華經室數當壬辰應運下傳若有至人齋金寶質心依舊格告

盟真王然後而付焉

道言夫天地運度亦有否終日月五星亦有虧盈至聖神人亦有休否末學之夫亦有疾傷凡有此災同炁皆當齊心修齋六時行香十遍轉經福德立降消諸不祥無量之文普度無窮道言夫末學道淺或仙品未充運應滅度身經太陰臨過之時同學至人爲其行香誦經十過以度尸形如法二景五星之精鍊化屍穢魂神經上南宮隨其學功計日而得更生轉輪不惑便得神仙

道言夫天地運終星宿錯度日月失昏四時失度陰陽不調郡邑災蝗水旱流移疫毒流行兆民死傷師友命過皆二景五星

道藏輯要

度人妙經

三

角集七  
川三上

之致也亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆請天記名萬神侍衛右別至人克得爲聖君金闕之臣諸天記人功過毫分無失天中真王亦保舉爾身得道者乃當洞明至言也

諸天中大梵隱語無量音 道君譔

元始靈書七辰寶篇

東方八天

騫樓岸符 宛蕭瑤瑤 玫還阿奢

奔澤西杆 落棧謨羣 支斗益敷

渺化尤砭 歷論伊尋 光訛定拘

定思雲魂 神洞郁郁 億亶胡汾

赤咤慶廬 戚驛資存 佑路善特

匪耀維騰

南方八天

素登邱霞 月液芬葩 九帝畜武

迎田湊營 畔府碧顏 烏鑑留南

質承子啟 燕程被幾 靖暮輕槎

道藏輯要

度人妙經

三

角集七

愿廢猛寂 乾寶殊堅 波緘罔直

瓊醮億歡 奔升管堤 爛陳宣嶷

游丹冲昵

西方八天

晨鸞著啼 翹趙忘雷 乙戰兌醜

祝照漂隨 黨簿豫童 鳩沙華谿

勢式莊驅 玉崑輔宣 丙鉛雌神

合規扶鄰 正戟迴枚 暴酉那兌

俵道韓曲 大庚縱竹 白積天屢

萬闌敏目

北方八天

疆默窳闌

夷增巨修

岑永部承

擊幾前謨

飛魔周玄

術如紀光

泮欽野虛

抱圖逸嵩

稽庸等化

欽謹周夷

智洪觀區

投幽運機

慧全昭徹

晨鋒救彌

尺坎潯奏

虎震威峙

道言此諸天中大梵隱語招降二景五星神精霞液上道高真

命仙無量之音舊文元始開圖生於二景五星之中騰耀光華

感化萬物字皆廣長一丈天真皇人昔書其文以為正音有知

道藏輯要

度人妙經

齒

角集七

其音能齋而誦之者諸天皆遣神霄上吏下觀其身書其功勤

上奏諸天萬神朝禮地祇侍門大勳靈司保舉洞玄道備克得

遊行三界升入金門此音無所不辟無所不禳無所不度無所

不成天真自然之音也故誦之致日月流精身神上奔五星垂

華鍊炁成仙太上之道經隱妙玄上帝遙唱萬神朝禮三界侍

軒羣祇束首鬼精自亡琳琅振響金石同鳴仙梵合律十方肅

清河海靜默七辰吐光天魔飛翥山嶽吞煙萬靈震伏招集羣

仙天無氛穢地無祇塵冥慧洞清大量玄玄也